



Bosna i Hercegovina
Federacija Bosne i Hercegovine
Kanton Sarajevo
OPĆINA VOGOŠĆA
OPĆINSKI NAČELNIK

**Služba za privredu, integrirani lokalni razvoj
i društvene djelatnosti**



Vogošća, ul. Jošanička br. 80, tel: 00387 33 586-420 i 586-422

Broj: 03-36-735/25

Vogošća, 28.04.2025. godine

Na osnovu član 71. i 125. Statuta Općine Vogošća „Službene novine Kantona Sarajevo“, broj 27/14 - Prečišćeni tekst, 14/15, 9/20 i 23/24), člana 14. Odluke o izvršavanju Budžeta Općine Vogošće za 2025. godinu („Službene novine Kantona Sarajevo“, broj 1/25), člana 6. Pravilnika o stipendiranju sportista sa područja općine Vogošća, broj: 03-36-603/25 od 24.04.2025. godine, a u vezi sa Odlukom o načinu primjene Smjernica o minimalnim standardima dodjele budžetskih sredstava putem transfera i subvencija u Federaciji Bosne i Hercegovine, broj: 02-02-575/25 od 15.04.2025. godine, Općinski načelnik objavljuje:

JAVNI KONKURS za stipendiranje sportista sa područja općine Vogošća

I OPIS PROGRAMA

Ovaj program planiran je u okviru Strategije razvoja Općine Vogošća i to:

- Strateški cilj 2.- Unaprijediti društveni život stanovništva stvaranjem uslova za društveno-ekonomski rast, dostupnost i visok kvalitet svih javnih servisa;
- Prioritet 2.1. – Unaprijediti razvoj kulture i sporta;
- Mjera 2.1.2. – razvoj sportskih i kulturnih sadržaja.

U cilju ostvarivanja javnog interesa iz oblasti sporta, podsticanje sportskog razvoja, vrhunskih rezultata i promocije sporta kao važnog segmenta društvenog razvoja, Općina Vogošća planirala je sredstva u Budžetu Općine Vogošća za 2025. godinu za dodjelu sportskih stipendija, u ukupnom iznosu od 20.000,00 KM.

Sredstva koja se dodjeljuju po ovom Javnom konkursu ne predstavljaju državnu pomoć u smislu Zakona o sistemu državne pomoći u BiH, odnosno ovim Javnim pozivom se neće finansirati aktivnosti gospodarskih subjekata koji obavljaju ekonomsku djelatnost na tržištu.

II PRAVO NA DODJELU SREDSTAVA MOŽE OSTVARITI:

Pravo na dodjelu sredstva mogu ostvariti pojedinci koji ispunjavaju sljedeće uslove:

- a) da su državljani Bosne i Hercegovine;
- b) da imaju prebivalište na područje općine Vogošća u trajanju od najmanje jedne godine do dana podnošenja zahtjeva;
- c) da su starosne dobi od 9 do navršenih 20 godina života;
- d) da su aktivni članovi sportskog kluba;
- e) da su ostvarili neke od sportskih rezultata, a u skladu sa kriterijima navedenim u Javnom konkursu.

Pravo na dodjelu stipendija nemaju sportisti koji primaju stipendiju po istom osnovu.

II TRAJANJE JAVNOG POZIVA

Javni konkurs se objavljuje na web stranici Općine, i ostaje otvoren 20 dana od dana

objavljivanja.

Zahtjeve za ostvarivanje prava podnose roditelji/staratelji (za maloljetne korisnike) i sportisti na propisanom obrascu, a koji je sastavni dio Javnog konkursa u rokovima predviđenim ovim Javnim konkursom.

III KRITERIJI ZA IZBOR KANDIDATA:

Utvrđivanje rang liste kandidata za dodjelu stipendija vrši se na osnovu ostvarenih sportskih rezultata u pojedinačnoj i ekipnoj konkurenciji na državnim prvenstvima i međunarodnim takmičenjima priznatim od svjetskih i evropskih federacija, a vrednuju se rezultati ostvareni u prošloj kalendarskoj godini, i to:

- učešće na Olimpijadi mladih, Svjetskom i Evropskom prvenstvu,
- osvojeno 1., 2. i 3. mjesto na svjetskim prvenstvima i kupovima, evropskim prvenstvima i kupovima, Balkanskom prvenstvu, Mediteranskim igrama, osvojeno 1., 2., 3. mjesto na međunarodnom takmičenju sa učešćem minimalno 12 zemalja, a isti se nalazi u kalendaru takmičenja svjetske ili evropske federacije.
- osvojeno 1., 2. i 3 mjesto na državnom prvenstvu.

Vrednovanje rezultata vršit će se na osnovu potvrde o ostvarenom rezultatu u prethodnoj godini, koju izdaje zvanični strukovni sportski savez kod kojeg je kandidat registrovan za takmičenje

Rezultati se vrednuju prema sljedećoj bodovnoj tablici:

Naziv sportskog takmičenja	POJEDINAČNA TAKMIČENJA				EKIPNA TAKMIČENJA			
	I mjesto	II mjesto	III mjesto	učešće	I mjesto	II mjesto	III mjesto	učešće
Olimpijada mladih	10	9	8	10	10	9	8	10
Svjetsko prvenstvo i Svjetski kup	9	8	7	6	9	8	7	6
Evropsko prvenstvo i Evropski kup	8	7	6	4	8	7	6	4
Balkansko prvenstvo	7	6	5	-	7	6	5	-
Mediteranske igre	6	5	4	-	6	5	4	-
Međunarodna takmičenja	5	4	3	-	5	4	3	-
Državno prvenstvo	4	3	2	-	4	3	2	-

Vrednovanje rezultata vrši se tako što se boduje najbolji aktuelni rezultat takmičara.

Ukoliko je takmičar postigao više rezultata na jednom takmičenju bodovat će se samo jedan najbolji rezultat.

Ukoliko dva kandidata imaju isti broj bodova nakon bodovanja najboljeg aktuelnog rezultata rangiranje se vrši na osnovu drugog postignutog rezultata, sve dok se ne utvrdi razlika u bodovima.

IV POTREBNA DOKUMENTACIJA:

Uz zahtjev su kandidati dužni dostaviti sljedeće dokumente (original ili ovjerene kopije):

- uvjerenje o državljanstvu,
- izjavu da ne prima sportsku stipendiju po drugom osnovu (za maloljetne kandidate izjavu potpisuje roditelj/staratelj) ovjerenu od općinskog organa uprave,
- uvjerenje o kretanju za sportistu,

- d) potvrda kluba o aktivnom članstvu,
- e) potvrdu zvaničnog strukovnog sportskog saveza (kantonalni, federalni, državni savezi ili olimpijski komitet) o postignutim sportskim rezultatima podnosioca prijave za prošlu kalendarsku godinu, kako na domaćim tako i na međunarodnim takmičenjima.
- f) Dokaz da međunarodno takmičenje okuplja minimalno 12 zemalja i da se nalazi u kalendaru svjetske ili evropske federacije.

V NAČIN DODJELE NOVČANIH SREDSTAVA

Pristigle prijave svih kandidata obrađuje Služba i na osnovu obrađenog materijala donosi i objavljuje preliminarnu rang listu sportskih stipendista.

Preliminarna rang lista objavljuje se na oglasnoj ploči i web stranici Općine Vogošća.

Na Preliminarnu listu kandidati mogu u roku od osam dana od dana objavljivanja iste, podnijeti pismeni prigovor Komisiji. Komisiju imenuje Općinski načelnik iz reda državnih službenika. Odluku o prigovoru, Komisija će donijeti u istom roku, računajući od dana njegovog podnošenja.

Konačnu odluku o izboru kandidata za dodjelu sportske stipendije donosi Općinski načelnik. Svaki prijavljeni kandidat na konkurs pismeno se obavještava o rezultatima konkursa u roku od 15 dana od dana donošenja konačne odluke.

Novčana sredstva za sportske stipendije dodjeljivat će se na način da će roditelj/staratelj korisnika sredstva zaključiti Ugovor sa Općinom po osnovu kojeg će ostvariti pravo na isplatu sredstva do kraja tekuće godine. Sredstva će se isplaćivati jednokratno.

VI IZNOS SREDSTVA

Stipendije se dodjeljuju za jednu kalendarsku godinu i isplaćuju se za deset (10) mjeseci. Visina stipendije na mjesečnom nivou iznosi 100,00 KM, odnosno 1.000,00 KM na godišnjem nivou po kandidatu.

Za takmičare iz jedne sportske discipline može biti dodijeljeno najviše 10% sredstava namijenjenih za sportske stipendije.

Ako se iz određenih razloga ne prijavi dovoljan broj kandidata koji ispunjavaju uslove u okviru jedne vrste sporta, nadležna Služba zadržava pravo da uz saglasnost Načelnika navedena sredstva preusmjeri na ostale kandidate kako bi se planirana sredstva iskoristila.

Broj korisnika se utvrđuje u skladu sa raspoloživim sredstvima u Budžetu Općine Vogošća.

Napomena: Korisnici koji su pravo ostvarili po odredbama pravilnika koji je bio na snazi prije stupanja na snagu ovog Pravilnika, mogu ostvariti pravo na isplatu razlike sredstava do iznosa utvrđenog ovim Pravilnikom, pod uslovom da podnesu zahtjev u skladu sa odredbama ovog Pravilnika. Pri obračunu iznosa uzima se u obzir iznos sredstava koji je korisniku već isplaćen na osnovu ranije donesenog Ugovora.

VII NAČIN PODNOŠENJA ZAHTJEVA

Zahtjev sa dokumentacijom se podnosi Službi za privredu, integrisani lokalni razvoj i društvene djelatnosti na protokol Općine Vogošća, ulica Jošanička 80 ili putem pošte.

Za sve dodatne informacije korisnici mogu pozvati broj telefona 033/586-414 ili poslati upit na mail: emir.dragolj@vogosca.ba.

OPĆINSKI NAČELNIK

Migdad Hasanović